

- 5
7. jan. Reglugerð þessi öðlast þegar gildi. 2. gr.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, og birtist til eftirbreytni öllum þeim, sem hlut eiga að máli.

Samgöngumálaráðuneytið, 7. janúar 1954.

Ólafur Thors.

Brynjólfur Ingólfsson.

- 6
15. jan. Staðfesting forsetans á skipulagsskrá fyrir „Sumarheimilið Litlu-Tjarnir“ í Suður-Þingeyjarsýslu, útgefin á venjulegan hátt að mandatum af dómsmálaráðherra 15. janúar 1954.
Skipulagsskráin er þannig:

SKIPULAGSSKRÁ

fyrir sumarheimilið Litlu-Tjarnir í Suður-Þingeyjarsýslu.

1. gr.

Tilgangur hins stofnaða sumarheimilis er og skal vera sá, að halda uppi merki Jesú Krists Drottins vors og frelsara, sem er hin eina leið til himinsins, með lestri Guðs orðs daglega.

2. gr.

Vér undirritaðir stofnendur og núverandi stjórnendur sumarheimilisins Litlu-Tjarnir, Ljósavatnshreppi, Suður-Þingeyjarsýslu, gerum hér með kunnugt, að sumarheimili þetta, sem stofnað var með samskotum trúaðra vina þann 11. marz 1948, er sjálfseignarstofnun. Eignir stofnunarinnar eru: Jörðin Litlu-Tjarnir í Ljósavatnsskarði með steinsteyptu íbúðarhúsi, gripahúsum, enn fremur innanstokksmunir og búsaðhöld. Heimilisfang stofnunarinnar er að Litlu-Tjörnum.

Heimilið er rekið með það fyrir augum, að taka á móti dvalargestum um lengri eða skemmri tíma, hvort heldur börnum eða fullorðnum, en hingað til hefur það verið rekið sem barnaheimili að sumrinu.

3. gr.

Ekki má selja eða láta af hendi heimilið eða eignir þess, fastar eða lausar, nema andvirðinu sé beinlínis varið til þess að halda slíku heimili áfram á öðrum stað.

4. gr.

Stjórn heimilisins skipa nú 5 undirritaðar konur, og skal hún jafnan skipuð 5 trúuðum konum eða mönnum. Heimilt er stjórninni að kveðja sér til aðstoðar 2 eða 3 varamenn og fela þeim hlütdeild í stjórnarstörfum eftir því sem þörf krefur. Verði sæti nefndarmanns autt vegna þess að hann óski að ganga úr stjórninni, eða vegna brottflutnings eða dauða, fyllir nefndin sjálf skarðið með því að setja til bráðabirgðar eða skipa til fulls mann í sæti það, sem laust hefur orðið.

5. gr.

Stjórnin skiptir sjálf með sér verkum og ræður starfsfólk. Hún veitir heimilisvistir og fer með öll fjármál og framkvæmdir. Ber henni yfirleitt að gera sér far um að efla hag og heill stofnunarinnar í öllum greinum og auka hana og stækka, er þörf krefur og kringumstæður leyfa. Stjórnin skal árlega gera reikning um rekstur og efnahag heimilisins. Skal reikningurinn endurskoðaður af tveimur mönnum.

6

15. jan.

6. gr.

Komi einhverntíma að því að stjórnin sjái sér ekki fært að reka heimilið áfram, gefi hún einhverjum kristnum félagsskap eða söfnuði, sem viðurkennir grundvallaratriðin í fyrstu grein, kost á að reka það, en ef enginn fæst til þess, og þurfi að selja eignina, þá renni andvirðið til heiðingja- eða heimatrúboðs, eftir því sem þáverandi stjórn ákveður.

Guðrún Sigurgeirsdóttir. Stefania Georgsdóttir. Guðbjörg Benediktsdóttir.

Jóhanna Þór. Rannveig Sigurðardóttir.

AUGLÝSING

7

19. jan.

um breyting á reglugerð nr. 167 21. des. 1946, um áhættuiðgjöld og flokkun starfa og starfsgreina samkv. 113. gr. laga nr. 50/1946, um almannatryggingar.

1. gr. orðist svo:

Frá og með 1. janúar 1954 skulu áhættuflokkar og iðgjöld vegna slysaþættu vera sem hér segir:

| | | | |
|--------------------|-------|------|--------------|
| 1. áhættuflokkur | | 140 | aurar á viku |
| 2. | — | 210 | — — — |
| 3. | — | 280 | — — — |
| 4. | — | 420 | — — — |
| 5. | — | 600 | — — — |
| 6. | — | 750 | — — — |
| 7. | — | 1000 | — — — |
| 8. | — | 1100 | — — — |
| 9. | — | 1400 | — — —, |
| nema áhafnir skipa | | 1600 | — — — |
| 10. áhættuflokkur | | 1600 | — — — |

6. gr. breytist þannig: Í stað „vikugjald 150 aurar“ komi: vikugjald 140 aurar.
 7. gr. breytist þannig: Í stað „vikugjald 200 aurar“ komi: vikugjald 210 aurar.
 8. gr. breytist þannig: Í stað „vikugjald 300 aurar“ komi: vikugjald 280 aurar.
 9. gr. breytist þannig: Í stað „vikugjald 400 aurar“ komi: vikugjald 420 aurar.
 10. gr. breytist þannig: Í stað „vikugjald 500 aurar“ komi: vikugjald 600 aurar.
 11. gr. breytist þannig: Í stað „vikugjald 600 aurar“ komi: vikugjald 750 aurar.
 12. gr. breytist þannig: Í stað „vikugjald 800 aurar“ komi: vikugjald 1000 aurar.
 13. gr. breytist þannig: Í stað „vikugjald 900 aurar“ komi: vikugjald 1100 aurar.
 14. gr. breytist þannig: Í stað „vikugjald 1200 aurar“ komi: vikugjald 1400 aurar,
 nema áhafnir skipa 1600 aurar á viku.
 15. gr. breytist þannig: Í stað „vikugjald 1500 aurar“ komi: vikugjald 1600 aurar.